

Head Office:
Plot 67 – 75
Clement Hill Road
KAMPALA
E-mail: exdir@unma.go.ug



Tel: +256 414 251798
Fax: +256 414 251797
P.O. Box 7025
KAMPALA
Website: www.unma.go.ug

UGANDA NATIONAL METEOROLOGICAL AUTHORITY

RUNYANKOLE/RUKIGA

OKU N’OKUTEEBEREZA ENJURA OKU EREIJE KUGWA, KURUGA OMUKWEZI KWAKASHATU KUHISYA OKWAKATAANO 2016, OMUBICWEKA BY’AMASHUMA G’OBURENGYERW’IZOOPA BWA UGANDA:

Ekicweka ky’amashuma g’oburengyerw’izooba bwa Uganda aharimu Disrict ya Kisoro, Kabale, Rukungiri, Kanungu, Ntungamo , Mbarara , Kiruhuura, Isingiro , Ibanda, Bushenyi , Buhweju, Mitooma , Sheema Rubiriizi na Kaseese.

Ekicweka eki kitwire nikitunga enjura nkye n’emirabyo omubicweka bikye kuruga omusande erikuharerukayo omukwezi kwa kabiri ekirikworeka emitandikire y’enjura nungi. Enjura erikukurayo obwingi, neteberezibwa kugwa omukutandika hamwe nahagati y’okwezi kwa kana kandi neiija kukyendeera ahantandikwa kuhikiza kimwe nk’ahagati y’okwezi kwa 6. **Okutwariza hamwe, ekicweka eki nikiteberezibwa kutunga enjura eringaniire omubwire obu.**

OKU N’OKUHABURA ABUKIRIKUKWATAHO, OMUBITONGORE BITARI BIMWE:

1. Abahingi, abariisa hamwe n’okureeberera eby’okurya.

- Abahingi n’abariisa abari omubicweka ebyatandikire kutunga enjura, bashemereire kutunga embibo bakatandika kubyara;
- Batangirize amaizi g’okukozesa omumaka, batangirize agari omwitaka gaze omisiri, omubidiba hamwe naza tanka omumyanya y’empanga kugira ngu amatungo gatunge eky’okunywa, n’amasharuura geyongyere;
- Mubyare obunyaasi bw’amatungo, mubyare emiti kandi egabirweho mugireeberere kurungi.;
- Emirimo y’abantu omumyanya y’enshozi ekorwe n’obwegyendesereza okubaasa kwetantara okusirimuka kw’eitaka hamwe n’okushandaara kw’amaizi omumigera;

Abahingi mwena nimuhaburwa okukozesa omugisha gw’enjura erikuza kwija, bongyere ahamasharuura gaabo obwo barikureeberera gye eitaka.

Kuhaakubaho emirabyo;

- Abobushoborozi aharurengo rwona bashemereire kuguma nibahabura abantu kusimba ebyoma ebirikutanga emirabyo ahabyombeko byona namunonga ebiine abantu baingi nk'amashomero , amarwariro hamwe n'omumaka;
- Abegyesa bashemereire kureeba ngu abaana bamashomero bayetantara kuzaanira omumyanya etashwekirwe nainga kwegama ahansi y'emita omunjura y'orutonyerera erikubaasa kwiziramu emirabyo;
- Mwetantare okukwata ahabyoma enjura yaaba negwa ahabw'okuba ebyoma nibaasa kukwata amashanyarazi g'emiirabyo;
- Buriiho hurikiza radio y'omukyanga kyawe otunge okuraburwa ahamirabyo omukyanga kyawe.

2. Abarikujanizibwa ahabyombeko, enkuuto hamwe n'ebyengyenda nimuhaburwa ngu enjura nk'eyabutosha erikuteeberezibwa kugwa nebaasa kwiziramu okushandaara kw'amaizi omubyanga bitari bimwe nahabwekyo,

- Ab'obushoborozi omundembo baine kugogora emifuregye amaizi garekye kuregama omunkuubo.
- Obukiiko bw'ebyanga bushemereire kurarika abantu bakakora" burungi bwensi".

3. Ahashonga y'eby'amagara,

- Eby'obuyonjo, ebihorooni omumaka hamwe n'amashomero, bishemereire kwongyerwamu amaaniGeneral ;
- Habeho okwetekatekyera ebyamagara hamwe nokwanjurira abukirikukwataho kuhakubarukaho endwara nk'omushwija gw'ensiri, Ekiirukano, Omushwija gw'omumara, Enjoka z'omunda hamwe n'ezindi ndwara z'omubwikizo nkamahiima narishi Athma.

Omukuhendera, Hashemereire kubaho okwetekatekyera enjura egi bukiri kare kandi omuburyo buhikire, kugira ngu hagire ekitwagasirwa. Okutebereza oku, kushemereire kukoze sibwa omumirimo yeby'entasya erikuhwerwa enjura hamwe n'entunguuka y'abantu omubyanga byabo.

Uganda National Meteorological Authority neija kuguma nereeebuza empindahinduka n'emikorere y'obwire, ebaase kuguma nehabura abukirikukwataho.